

國學叢書第二種

明史雜詠

附賈鳧
西歌詞

上海均益圖書公司印行

國學叢書第二種

明史雜詠

附賈鳧
西歌詞

上海均益圖書公司印行

賈 鳧 西 鼓 詞

光緒三十三年十一月初版

光緒三十三年十二月發行

(明史雜詠)

定價大洋三角

原著者

婁東柴文杰
滋陽賈鳧西

重校者 上海王維鏐

印刷者 國學叢書社

總發行所

均益圖書公司

上海四馬路惠顧里



明 史 雜 詠

小說之興昉自漢代蓋與正史相輔而行者也武帝時馬遷作史記厥後劉歆有西京雜記或謂非歆作然辭氣近古殆非盡誣夫正史所以紀一代典章之大遺聞軼事例不得屬人者往往於小說中見之裴松之注三國刺取傳記所載皆小說類也宋子京修新唐書世譏其好采小說然司馬溫公作通鑑亦兼及小說家言然則小說固足以補正史之闕畧而爲有識者所不棄也婁江柴伯廉孝廉風雅士也好讀史首尾精貫而尤熟於有明一代故實嘗取野史雜家之說多明史所未載者編成古今體詩數百首上而宮壺遺事下而委巷鎔談靡不兼收並采雖揆之史體或未盡合然要皆可驚可喜不可磨滅之作其大者足備廟堂掌故其小者亦足資文人學士之談噱孝廉可謂善讀史者矣昔吾鄉沈西堂太史者有明史樂府海內推爲才人二百年來無有與

之抗行者得孝廉此編西堂殆不得專美於前矣予既偉其才又喜其
用心之有在也遂爲之弁其簡端

同治八年秋九月吳縣馮桂芬序

明 史 雜 詠

明史雜詠

皇覺寺

皇明雜錄帝微時
投皇覺寺爲行者

婁東 柴文杰伯廉氏著

未聞同泰贖君身。誰識闍黎九五尊。半夜伽藍先敕佛。

寺僧夢伽藍曰
寺中掃地者罰

我充邊遠軍乞一言解
救帝聞遂書赦字與之

一家衣鉢竟傳孫。封桐豈料僧加帽。遷鼎空留

塔報恩。

成祖建塔長千里報
馬后恩曰報恩寺

借得誌公舊坏土。皈依終始覺王門。

太祖
建壽

陵將遷寶誌塚祝之曰借地之
半可乎既得卜遂移瘞靈谷寺

字字警切 陸宗泰

洞庭穴

雜錄友諒祖墓在洞庭湖帝私掘之
骸骨已成龍形焚投水中陳氏遂敗

大蛇不死漢高手。秦人一鹿當同烹。陳氏祖瘞洞庭穴。帝發其骨成龍形。屠龍竟試斬蛇劍。地脈王氣全無靈。帝王有真在龍種。後宮妖夢啼

寧馨。帝夢友諒入宮遂生燕王棣君不見陰風却火金川門。覆巢破卵誰兒孫。

如魯公一筆書何止力透紙背呂家璜

白駒場

紀事本末張士誠元泰州白駒場人

鹿走中原落日荒。揭竿騷擾恣跳梁。江湖日下無完土。吳楚之間有假

王。一夜西風黃葉。幾家冷竈白駒場。

窮勝楚聞僞周時童謠張王做事業只用黃葉一夜西風來

乾禧謂黃葉葉三參軍也

可憐東炬宮樓夕。碧血成燐泣苑牆。雜錄齊門破士誠驅妻女登齊雲樓焚之

三四勁四六工切 宗泰

彭氏

名山藏明昇降封歸義侯帝召其母彭氏入宮三年

花蕊已無院。齊雲尚有春。桃花一掬淚。莫是息夫人。

伯廉胡尖刻乃爾 宗泰

主君來

起起起。主君來。英雄奇遇古未有。撫背嘖嘖虎將才。太祖得遇春喜撫其背曰此吾虎將也本是梟雄萬人敵。鐵馬瑠戈勇無匹。蚩矛十萬如牆立。聳身一躍飛鳥疾。遂報主君得采石。嗚呼。汗血百戰功絕倫。烹韓醢越嗟何人。男兒但當橫行沙磧死。裹馬不願褒鄂寫照生圖麟。

一結寫明祖誅戮功臣言外自見 王蘭卿

青田行

青田山中隱者。乃當世之鳳雛。諸葛方眞名士。子陵舊是狂奴。蟠胸數斗血淚。獨上西臺醉呼。少年不知許事。秀才且飲西湖笑。指西北雲氣。十年後當輔此。拂衣謝東諸侯。借箸作赤松子。功成胡不歸耕辟穀。乃因酖死。歛戲讀寶劍行。吾惜公成進士。

中山王

貌貅十萬定燕京。汗馬功高鐵券盟。一角棋樓完勝局。幾家煙閣畫虛名。景升兒共嗟豚豕。亞父疽先避狗烹。中夜淒涼鷄子肉。不如馬革裹開平。

有雄傑氣蔡間僑

老客婦

列朝詩選上以楊維禎前朝老文學遣使徵之維禎賦老客婦行進呈遂旋里

老客婦不再嫁。攘臂肯爲馮婦下。微臣昧死言。上有堯舜。下有巢由。臣非薄富貴。野心不可留。白衣來。白衣去。吳淞江上閒鷗鷺。君不見佛影堂中學士宋濂。履聲簾外老臣危素。無錄濂戊夔州過一寺見老僧僧夕經死問居士前元仕否曰爲學士僧遂

不下斷語妙在請兩陪客有無限神味家瑣

皮場廟

類編明初置剝皮場於府州縣衙門側立一廟中祀土神曰皮場廟以儆黷吏

剥皮場開縣門側。祀以土神司厥職。帝曰以之儆貪墨。革囊纍纍兮。新鬼鳴咽故鬼嬉。朝來何人衣緋衣。文曲犯座血肉飛。午門亦有忠臣皮。

冷峭 宗泰

王保保

功人功狗刈如草。惜未得臣王保保。王保保。臣嗣王。元臣得此元不亡。死戴君門天萬里。一軍孤擁和南方。從龍試屈英雄指。中山開平未盡死。帝胡嘖嘖心羨汝。亦學大風歌猛士。嗚呼忠臣耶。大將耶。但願來世生吾家。

引出證據爲元人生色用來恰合題分蘭聊

金吾射

史類明祖欲廢孟子祀詔有諫者命金吾射之尙書錢唐袒胸入諫

疾雷未下帝怒起。詔下禮官黜孟祀。敢有諫者飲汝矢。此老公然坦腹。

前。臣願得爲孟子死。嗚呼。胡藍冤獄毒甚蠶。寇讐草芥將母同。帝實慙
恚交填胸。不然大賢而可攻。並聖曷怪完吾公。野錄魏忠賢自號完吾公

押攻字強如鐵鑄璜。一氣轉折足見魄力之大秦

雷斧石

雜錄洪武十一年雷震阜極殿御案上得一石如斧形帝恐立書詔赦獄中八百餘人

雷聲無聲天耳塞。怪哉之氣化爲石。眞宰上訴天地愁。電光霍霍殿上頭。
雷神稽首騰雲入。帝起再拜悚卻立。若然擊案石一拳。八百鬼簿湔沈冤。
西山老狐喜跳語。石破天驚逗秋雨。

奇崛瑣

善長獄

功臣錄洪武十三年胡惟庸反詞連李善長詔勿降二十三年復廷訊始坐罪功臣同坐者凡十九家

事成分以淮西地。不成不失公侯位。語見洪武實錄兩人之言疑有無。醢越烹
韓亦常事。子尙長公主。身封韓國公。此老當以富貴終。何至羽翼張惟

庸惟庸誅。殺機伏。十九家駢首戮。事更十年始定獄。嗚呼。沈寃入地風怒號。戴頭同去問漢高。

筆鋒著紙如血濡。縷何止冰翦。哀梨耶師竹爲浮。一大白秦

逃虛子

姚少師道衍白號逃虛子

初師妙智庵。繼事席應真。寂寂不耐彌勒笑。願奉白帽歸天人。一朝侍燕王。簷瓦忽墜地。沙門參得野狐禪。殘人骨肉以爲戲。吁嗟乎。房山碑何崔巍。自家和尚做不了。焉用認汝阿姊爲。

史筆以滑稽出之的是妙才張遜亭

靖難

倉卒縉衣換御袍。九江豎子曉翻濤。名羞管蔡充姬旦。寃代韓彭報漢高。一片氈毛零夜雨。半邊月影落江濤。果然城外飛來燕。鐵索磯頭鎖。

不牢。

警切精鍊伯廉詠古詩一時絕唱秦

軍中祭

十二月朔夜半時。有被髮呼天而祭於野者。臣程少師曰。高皇帝在天知之。小臣濟未敢死。將負羈綬。從大師以歸。今冒戰功名在碑。吾師乎。吾師乎。完名恐爲跡者狙。高皇帝曰。可。燕師來。椎以斧。石破天驚一角缺。如碎如礧。噫嘻吁。真宰上訴泣風雨。縑衣度牒脫屣去。大索軍中石不語。

有育腐之化境兼杜韓之勝場急管繁絃爲樂府中開一生面家瑣

鐵尙書

忠節錄鐵鈔鄧州人洪武賜字鼎石

鐵尙書字鼎石。死年三十七。白日晝晦。天無色。立不跪。脛可折。罵不止。

吻可裂。鐵椎夾屍轉。不得沸。油百鍊堅。如鐵。赫然如山面。南立。嗚呼。神遊天。靈遊地。火光一道如虹。氣臣死去。高皇帝。

生氣勃勃。捫紙生稜。令人起立。遼寧

遜國

滄海龍潛已渺茫。宮門却火竟紅羊。未聞鸚鵡謠歌哭。豈意鷓鴣反斧

斯。炳虎眼中無北固。

病虎謂道衍也。道衍有北固青睞倦看之句。

羣鳥朝後尙南荒。惟有羣鳥早晚

朝建文黃州題庵壁詩也。

可憐舊日閒鷓鴣。曾否驪山問上皇。

伯廉成此詩示余曰。此時藝家尤王格也。今重閱此。如天女裁衣一

無針綫痕迹。誠非獵豔者比。宜老竹之呼君才子也。拜服拜服。

璜讀於秦

州舟次

百纂字

方先生。成王家事。卿勿問。草詔須重先生名。先生奉詔腕不停。百箋字。易十族。湛麻衣。伏地泣。數語便抵檄。草揮陳琳燕許文章。董史筆先生。惜墨真如金。嗚呼。禪稿紛紛袖上殿。學士胡盧君不見。亦有大筆濡淋漓。忍死與人作佳傳。

峭拔不羣。自是熟題生做之法。一結尤令胡中庸輩無處生活。素

呼豬聲

君免乎紅皮篋。臣免乎血影石。兩先生約同盡節。王叔無言但默默。狀元歸家急如廁。闌中有猪尙未飼。叱叱牆頭呼不止。一猪不捨肯捨死。貪言者肥肥如猪。求死不得真名士。

短小精悍之作與前一首同一峭拔。秦

妙秀

冬夜脫記徐妙秀中山第三女仁孝。其妹也。成祖聞其美。聘之女。伴狂不起。

中山第三女。乳名曰妙秀。再郤成祖聘。不願爲皇后。繡佛誓披緇。白璧完貞守。宮中昔年却火起。不食三日。悲欲死。曰。何不御正殿。以俟之。誰爲朝廷謀。出此嗚呼。齊黃之忠。徒死耳。所見不如一女子。

奇女子卓識的是過人。正不嫌抹倒齊黃。

瓜蔓抄

瓜蔓抄。嗟忠魂。齊黃死自全其名。株連百口冤。覆盆孝陵尙有未乾土。年年寒食哀王孫。君不見。摘瓜抱蔓傷其根。

薄命婚

史類胡廣女以上命字解縉子縉廣皆卒家欲別字女。覺入室自去其耳。教之曰。薄命之婚。何以生爲。卒歸解。

脊令故有匹。不羨鴛鴦飛。江水自有味。不羨河魴肥。中懷一以結。音書一以沓。誓死甘毀容。相從願偕老。來日鬢如雪。去日顏如霞。君看堦上血。化爲斷腸花。吁嗟薄命婚。裴裴淚沾臆。父翁雖已亡。去耳聽未塞。

古節古音遜亭

榆木川

陳繼儒記成祖回蹕榆木川有美女至行宮次日啓視御帳僅有血數點殆夜叉也因秘之不發喪

榆木川頭古鬼語。觸體珊珊化美女。旋風入帳滅寶炬。銅荷無光洒土。雨。雌蜺涎垂兮。龍腦鹽炎精之血點。三五昨夜空山泣。鬼姥瓜蔓冤。魂鼓。且舞。

此元詞中急口令也。陰風尸氣出於紙上。幾疑是鮑家墳上鬼詩。一笑璜

西楊

謂士奇也

一代鹽梅佐。三朝雨露深。調羹先帝語。賜印老臣心。宮府仍奄寺。樓船尙海潯。獨修成祖錄。下筆費沈吟。

穩切蘭卿